

南
潯
鎮
志

街巷

汪曰楨撰 南潯鎮志四

東柵上塘 自舊橋頭境向東為大街經大橋北境又

東至董宗伯第前俗稱大牆門前又東至通判署前俗稱三府前又

東經官房街南口又東經新橋北境又東經混堂街南

口又東踰東弔橋為百間樓口又東經沈家街南口至

晏公廟前又東至董宗伯祠前俗稱東祠堂前又東至總管堂

前又東沿塘路至極樂庵前

東柵下塘 自大橋南境向東至看牆頭即宗伯第隔河照牆經看

牆街北口又東踰留嬰橋為船場浜口南通船場浜留嬰堂前又

東踰醬園橋為皇御河口南沿皇御河踰暖橋通巡檢司前又東至董

進士祠前

俗稱牌樓前

又東踰三板橋爲倉潭口

南沿倉潭通荷花池

頭

又東經新橋南塢又東至馬家匯迤南爲馬家港口

又東踰馬家橋迤北又東至石鋪里又東踰三楊畝橋

爲船廠頭四牌樓前又東至撞塘壩

西柵上塘

自清風橋西塢向西爲壽星街又西爲務前

經西莊家衙南口又西經石家衙南口又西經垂虹橋

北塢踰西弔橋又西經妙境小衙南口又西經妙境大

衙南口又西至祇園寺前又西至駐防署前

俗稱營房前

又

西沿塘路達三里橋

邢典潯西茗水西來白似雲市梢風景絕塵氛祇園

鐵冷唐時佛仁福碑殘宋代墳一片平疇宏稻麥幾

回散步看耕耘浮生擾擾緣何事弁嶺常青日易曛

西柵下塘 自泰安橋西堍迤北向西爲姚家匯又西爲

紀家壩口

南通紀家壩西莊村及白鵬兜

踰豐年橋又西爲米廊下又

西經垂虹橋南堍

南通倉橋及鳳凰池

又西踰沐鳳橋爲樹行埭

又西至三官堂前又西至大士庵前

南柵市河東岸 自大橋南堍迤西向南爲大橋灣又南

經泰安橋東堍又南爲絲行埭又南經便民橋東堍蛤

蜆衙西口又南踰東交界壩橋

沿河向東爲年家廊下一作廿間廊下踰會際

橋達巡檢司前

又南踰定心橋至張王廟前經張王廟橋東堍

又南經花園街西口又南經興福橋東堍又南經蓮界

街西口又南經餘祥街西口又南經華家橋東堍東華

家街西口又南踰鳳凰橋沿河向東通土地堂前又南經南安橋

東堍東南安街西口又南踰醋坊橋南堍沿河向東踰師古橋通渡船頭

北堍沿河向東通竹園匯及太君堂前又南經南新橋東堍又南踰黃楊

橋東通黃楊兜為戲臺頭即總管堂隔河戲臺又南至百老橋

南柵市河西岸 自泰安橋西堍向南經陶家街東口又

南為南白場又南經便民橋西堍又南踰西交界壩橋

西通城隍上又南經張王廟橋西堍觀音街東口又南踰夢

華橋為秤錘潭口西通簾里及補船村又南經興福橋西堍又南

爲新開河口

西通新開河頭

踰鷓鴣橋又南經華家橋西

華家街東口又南踰蔣家橋又南經蔣家街東口又南

經南安橋西堍西南安街東口又南至南新橋西堍又

南至總管堂前踰蘇露橋又南接簡五塘

北柵市河東岸

自清風橋東堍向北爲爆場街又北踰

天帶橋爲後河口又北經太平橋東堍又北經鹽店橋

東堍又北至柵椿橋東堍迤東爲百間樓口又北踰蓮

界橋至葫蘆白場南

北通下壩

迤西又北至姚家匯北新橋

東堍

踰北新橋向北至竹篠匯向南至潯溪橋

施國祁遊北郊詫友人塵腥鬧狀若徘徊訪舊郊原

月幾回車駕雙橋塘上路

郊外西岸南北兩車駕橋東去甯下村約一里西去

上林村約十里南去康王寺約七里皆因宋高宗南渡附會之說

塔池七級水中隈

郊外北新橋北西岸水際有七池如臥塔形

劉公野廟尋碑去

柵外東岸宋劉宰祠

俗名莽將堂

董氏花墳下馬來

又董墳俗名老墳灘有梅花數十株今亡惟二翁仲

尚存最好斜陽迤北望洞庭金碧畫圖開

北柵市河西岸

自清風橋西堍向北經南莊家街東口

又北經太平橋西堍北莊家街東口又北踰圓通橋為

唐家兜口又北經鹽店橋西堍又北至柵椿橋西堍

與西木

行接

百間樓東北岸

自蓮界橋北堍向東迤南經少年街口

又南經醬園街口又南經長板橋東堍又南爲洗粉兜口踰朱家板橋又南至東弔橋東堍

董載昌潯溪竹枝詞垂楊踈地掩清秋長板橋頭水

自流分付哀絲與豪竹夜深吹徧百間樓

樂工多居此

百間樓西南岸 自蓮界橋南堍向東迤南經煤矢街口又南經柴場街口又南經長板橋西堍又南爲後河栲栳灣口踰閭潯橋迤東又南接混堂街

馬家港西岸 自馬家橋西堍向南至東藏寺前又南經明德橋西堍又南踰長生橋達城隍廟前

馬家港東岸 自馬家橋東堍向南經北小兜口踰木橋

又南經朱少師第前又南經南小兜口

東通范莊

踰木橋又

南至明德橋東堍又南迤東達孫家壩

後河北岸

自天帶橋北堍向東經藕湖橋北堍煤矢衙

口又東經柴場衙口又東轉南爲栲栳灣經官房橋東

堍轉東至聞濤橋北堍

永安橋港東岸

自西弔橋東堍向北經小弔橋東堍又

北經牛棚長壽二衙口又北至永安橋東堍

踰永安橋向西通妙

境庵兜

轉東卽西木行

大街

卽東柵上塘東至新橋聞濤閣前西至清風橋

壽星街

卽西柵上塘東至清風橋西至務前

爆場街 卽北市河東岸南至清風橋北至天帶橋

務前 卽西柵上塘壽星街西元明設稅務處

董恂潯溪棹歌監鎮衙空驛館遷前朝遺制渺寒烟
已無酒醕茶油課猶聽行人問務前

絲行埭 卽南市河東岸南至東交界壩橋北至泰安橋

樹行埭 卽西柵下塘東至沐鳳橋西盡西柵

西木行 東至北柵柵椿橋西至西柵永安橋

米廊下 卽西柵下塘東至豐年橋西至垂虹橋俗呼米

棚下

張鎮潯溪漁唱纔聽三春布穀鳴又過八月穫香杭

年來杵臼村村鬧贏得冬春入米棚

董蠡舟潯溪棹歌雞缸壇盞樣能傳雨過天青傳彩

鮮欲共東皇鬪顏色賣花船泊米廊前米廊下買資器者列肆焉

吳中賣花者至輒聚此○按乾隆以前此地米市最盛故得此名吳下花船泊百間樓及馬家港今則但有資器列肆米市移于西木行而賣花船多泊于此矣

官房街 南通大街北通官房橋

混堂街 南通新橋北通聞濤橋

沈家街 南通東柵北通洗粉兜

少年街 西南通百間樓東北通洗粉兜俗名燒銀街

醬園街 西南通百間樓

煤矢街

東北通百間樓南通後河頭街內有煤山

柴場街

東北通百間樓南通後河頭

看牆街

北通看牆頭東南通船場浜

倉潭街

北通倉潭南通蓮溪

莊家街

東口二並通北柵偏北爲北莊家街偏南爲南

莊家街

南口通西柵爲西莊家街一作臧家街

石家街

本名石街巷南通西柵北通唐家兜

按舊傳唐陸龜蒙園

鴨欄處
無據

牛棚街

西通永安橋東通唐家兜

長壽街

西通永安橋

妙境街 一名大街南通西柵東通妙境橋

妙境小街 南通西柵北通妙境木橋

金雞街 南通紀家壩北通鳳凰池或云此係向時紀氏私街舊金雞街實在

南柵鳳凰橋南近年已塞斷今以紀汝霖藥覺集爲據

蛤蜊街 西通南柵東通巡檢司署後溪上按地名溪上而實無溪或

云向有吳氏自爛溪遷此人稱溪上吳家遂并地名亦僑立焉或云舊時薛家漾較大乎今此地濱漾故名

司前街 在巡檢司署右南通會際橋北通溪上

花園街 西通南柵東踰花園橋通城隍廟前以華氏小

桃源園得名

蓮界街 西通南柵東通寓園前

餘祥街 西通南柵東通土地堂前俗名皮匠街

東華家街 一名通利街西通南柵東通土地堂前

東南安街 西通南柵東通太君堂前

陶家街 東通南柵西通白鵬兜

觀音街 東通南柵西通補船村鰲里及城壕

西華家街 東通南柵西通萬古橋及長生寺前

蔣家街 東通南柵西通田野

西南安街 東通南柵西通田野

按街名多不勝載亦未能悉知間有一家之私街相承借徑幾與官路無別者雖知其名不敢輒載

洗粉兜 西通百間樓東通大幹字圩一作西芬兜一作

西分兜

按舊志云西施洗妝于此附會
無據增修十景有洗粉花香

〔邢典南林雜詠〕西分兜不見詩人久歌傳十二紅西

分兜水潔還與昔年同

華家兜

在南柵報國寺西南宋華文勝居此得名

唐家兜

東通北柵西通石家牛棚二街

妙境庵兜

南通西柵東通永安橋西爲妙境白場

董恂重過妙境場一渠新水遠孤村疎竹圍環隱寺

門回首舊游無限意夕陽芳草黯銷魂

白鵬兜

東通陶家街西北通楊家橋南爲徐家漾一作

白雁兜

董熄歸潯溪卽事家臨紅蓼白蘋間枕藉清流月一

灣風雨刺船緣底事勞生輸與白鵬閒

屋後兜名白鵬

又白鵬兜都無三徑能延客但有清溪可漱流魚婢蟹奴緣底事也來分我白鵬兜

董載昌潯溪竹枝詞一樹欂櫨兩板扉浣衣穩坐釣魚磯妾家白雁兜前住空見年年白雁飛

董蠡舟潯溪棹歌已覺鷺塵遠市闌小橋通處水彎

環雪塘艤艇飼花鴨月夜開籠放白鵬

冬日販鴨船悉泊于此

船場浜 北通東柵西通看牆街一作船長浜

范莊灣 在馬家港東南

大橋灣

在通津橋西十字港東南

東塔灣

在東柵外運河爲分水墩所阻分瀉兩旁得此

名一作東瀨灣一作三瀨灣

范鎔潯溪紀事詩風信吹殘柳絮飄一聲離笛客魂

銷塔灣東去迢迢水直到松陵第幾橋

董蠡舟潯溪棹歌東瀨灣東鴨背停際天烟水曉冥

冥棹歌聽唱江南好滿樹流鶯半邏亭

半邏亭在鎮東六里震澤

縣界

栲栳灣

在北柵通東柵後河曲處居民多以製栲栳爲

業

董恂潯溪棹歌折得楊枝又柳枝生涯十指强支持
移家栲栳灣中好聽唱迴波舊日詞

竹篠匯 在北柵北新橋西北

北姚家匯 在北柵北新橋東南

南姚家匯 在泰安橋西十字港西南

馬家匯 在馬家港西洪濟橋東

竹園匯 在南柵醋坊橋東

梅花渡 在補船村有梅花數十株今廢

蜆子灘 在南柵蘇露橋西

張鎮潯溪漁唱環溪南畔半浮家蜆子灘頭一徑賒

日暮鼠船齊泊岸漁燈點點隔蘆花

姚家灘 在北柵彩虹橋西

老墳灘 在北十字港東北董氏墓前

范鐸溥溪竹枝詞春風酒榼好追歡幾樹梅花破小
寒翁仲無言啼鳥寂夕陽流水老墳灘

俞家澣 在垂虹橋南紀家壩北

斗門 在鰲里沈家埭

撞塘壩 在東柵外運河南岸烏程震澤東西分界

東壩 在西柵外運河南岸

西壩 在西柵外運河南岸

紀家壩 西通西莊村東北通豐年橋

孫家壩 在范莊灣東南西通九曲里

羅漢壩 在南柵外簡五塘西

上壩 卽彩虹橋西通姚家灘東南通竹篠匯

下壩 一名穀豐村南通葫蘆白場北通簪帽橋

南壩 在北柵外古漚港西

北壩 在北柵外古漚港西

西莊村 東通紀家壩西北通大士庵前南通簾里亦稱

西村

按湧錄謂西莊村卽西林村以西林古刹爲據非也今攷西林村在鎮西南近蘄里烏青鎮志云西

林村屬烏程縣有報德庵與俞塔新城等村並列實與西莊村無涉

明陳忱敬夫移居西村流離憐杜老還僦灋西居水
作孤村抱門開烟柳疏裏沙移藥草帶雨負殘書世
故雖多舛南薰且晏如。溪上雲林合茅茨落照邊
奇情負山水雜興託園田老去詩真誤貧來家屢遷
茗西清絕處棲逸在何年

紀端村中夏景可入畫只在此村看比屋豆棚喧笑
語小橋流水坐團欒

董世熙西村晚步日落村西步歸鴉噪晚風客喧松
徑外犬吠竹林中野艇溪灣宿村燈樹杪紅歸來庭
戶寂淡月瘦枯桐

邢典西村寂寞西村路前朝是水濱吾家荒隴在

明成

化間典十七世祖
天池公葬于此墓道有鄰人

紀峻西村閒來呼渡壩橋西垂柳垂楊暗野隄茅屋
數家人不見出牆枝上竊紅啼

沈謙潯溪雜憶詩水鄉風味果如何到處魚椿蟹簍
多偶向西莊搖舫過十三因女唱吳歌

張鑑潯溪棹歌秋陰烏柏落西村打鴨歸來烟霧昏

一棹紅蘋深處去燕捎明月印蓑痕

西村漁火爲
十景之一

補船村 在南柵亦名南村東通新開河西北通簾里

明董說南村卽景鳥啄櫻桃壓樹垂種秧歸屋屢懸

籬水村補瓦迎梅雨野廟酬神唱豔詩
斷渚客呼漁艇渡落霞僧立石橋窺燈前
細引兒童話寫作南潯卽景詞

又村居述五岳聊游水墨屏江陵老去戶
長扃松風午觸茶烟逆蘋葉秋粘釣艇青
耆舊集中看故國田家識裏證殘經賣花
人到話新事除卻看山總厭聽
又補船村青楓爲屋柳爲門細雨斜風總
莫論祇爲生涯慕船子斷帆秋掛補船村

又採菱詞

休夏補船村水交流如雙玉環溪有菱苗可烹穆然古風味

松花食盡

飽依然隨意清溪翦碧鮮一筋冰絲載書畫
華亭不

數舊時船。白鷺飛邊，翡翠鋪筠。竿打破，浪花蘼柳，
烟如夢人。欹笠錯認元真釣雨圖。

又補船溪口曉望黃鵠渺千里雷爲稻梁謀。哀雁但
隨陽，淒鏘春復秋。溪口月初落，雞鳴烟四浮。波紋蹙
魚鱗，碎碧菱苗稠。採菱汲溪水，療飢復何求。療飢雖
云樂，青山棄良儔。曉立高柳中，洗硯賦遠游。

又祖弓至補船渡水不得立沙際久之隔水看同沙
鳥停斷橋秋。薺樹冥冥呼將漁艇，風初急，影落蘋絲，
袖半青。

又補船斧歌補船村頭補船斧斧聲當當惱人耳惱

人倍惱補船僧補船僧無船可補江南葉脫水拍天
九峯三泖集神仙夢亭船子歌聲在只少烟檣相追
攀裊裊歌聲浪花去後人筆畫前人處畫學生疎烘
染澀準備烏絲笺船疏釣竿手枯松柏屑如椎十指
文章無不如隨順聽船補野鴨子浮菱葉鋪

紀官補船村歸語言逼迫回身避處處新苗一寸青
畦徑縱橫自端好詩人往復聽農經溪橋望徧西村
路柳樹時遮東市腥此意無多歸記取窗前拂素坐
停停

又至補船因病閉門非裹足病差柳色在晴明人來

曠野雲間望船在深村樹下行

又野望

在補船村

鷺鳥巢中初學語空齋伴我冥然時東

牆已破通溪柳一搭風光一句詩

釋蔭在補船閒眺一曲垂楊裏壞橋攢禪人去攬新

苗蒼茫久立成詩渴更掬溪流手代瓢

范錯潯溪紀事詩鷓鴣橋上鷓鴣啼豐草庵前豐草

萋唱罷月箇禪樂府補船村外夕陽西

董蠡舟潯溪棹歌寶雲人去暮雲昏豐草庵荒蔓草

存小泊菰蒲聽秋雨一天涼綠補船村

若雨先生有聽雨圖其自

題有云舟聽雨綠綠則涼

療里 在西莊村南東通南柵有談家灣計家兜譚家兜
陳家兜方家埭沈家埭桂家埭薄家埭吳家埭章家埭
華家埭潘家埭褚家埭

〔范鎔潯溪竹枝詞〕一抹輕烟兩岸風歸來鱗里夕陽
中漁家莫道無春色落盡桃花滿釣蓬

分鄉瑾 在東柵外極樂庵西爲江浙分界處瑾西屬烏
程懼字一圩瑾東屬震澤大幹字圩舊有石樹荻塘表
界今無存

按舊志瑾作境字書所無攷國語
陸阜陵瑾瑾訓溝上道音義並合

橋梁

汪曰楨撰

南潯鎮志五

通津橋 環石在東柵中市跨運河俗名大橋宋建名潯

溪橋後改名 本朝嘉慶三年重建咸豐五年修七年

又修

時敏重建通津橋記

文見碑刻。按徵信錄載司事郭用成等二十三人共收捐錢

三千二百千文除開支外餘錢一百五十千文存典生息以備本鎮公事公用是役也時公先約各司事書疏焚香設誓不得稍有侵蝕其郭用成司帳監工勞金洋錢五十兩雖已開支卽轉施報國寺鑄鐘并起造百老橋及廣惠宮起造東嶽殿之用

曹仁虎潯溪竹枝詞紅蠶上簇四眠過金繭成來欲

化蛾聽道今年絲價好通津橋口販船多

邢典南林雜詠通津橋萬戶周遭見千艘日夜通至

今碑是口重建有時公

重建通津橋余奉別駕時公命撰記今碑在分府頭門外

左壁

董蠡舟潯溪棹歌通津橋外駐蘭橈雁齒攀登趁雪

朝不憚新寒透羅襪香塵滿路印瓊瑤

通津霽雪為十景之一

○里中耆舊見應稀當道靈蛇大十圍怪底夜窗驚

客夢屋山風雨應龍飛

通津橋下有巨壑橫互如木舟不得行居人或逢於路或

蟠於市樓第不傷人見湧幢小品相傳曾大父時有客宿于家金粟山房月夜聞風雨聲出視見一蛇首

垂簷際如三斗栲栳急掩戶屏息伺之俄有聲從西北去屋瓦皆振殆即此蛇耶

洪濟橋

環石在東柵跨運河俗名新橋北境有聞濤閣

嘉慶十年重建并設四街橋埠

按張志及府縣志洪濟橋新橋複載

東弔橋

石級架木在東柵運河北岸跨百間樓港南口

長發橋

石級架木三礮在東柵百間樓俗名長板橋道光中重建

光中重建

〔張鎮潯溪漁唱〕百間樓上倚嬋娟百間樓下水清漣

每到斜陽村色晚板橋東泊賣花船

吳下花船多停于此

朱家板橋

石級架木在東柵百間樓東北岸跨洗粉兜

口

按此與簾里朱家板橋同名

如意橋

平石三礮在東柵洗粉兜內一作慈蔭橋舊名

洗粉橋今名虹橋道光十一年重建

洗粉木橋 架木三礮在洗粉兜內

聞濤橋 石級架木在東柵百間樓西南岸跨後河口俗名混堂橋

祖師橋 環石在東柵運河南岸跨馬家港口俗名馬家橋上建聖帝祖師廟

明德橋 平石三礮在東柵馬家港內賢聖殿前

北小兜橋 架木有屋在馬家港東岸

南小兜橋 架木有屋在馬家港東岸

廣福橋 環石在馬家港西岸青華觀後今名長生橋咸

豐八年重建

三板橋 石級架木在東柵運河南岸跨倉潭口嘉慶二年重建

御河橋 平石在東柵運河南岸跨皇御河口俗名醬園橋上有隨糧王祠今燬

御河暖橋 架木有屋在東柵皇御河內

蓮溪橋 架木在皇御河東岸

留嬰橋 平石在東柵運河南岸跨船場浜口

三楊畝橋 石級架木在東柵外運河南岸跨三楊畝兜口一名船廠橋

栗樹廟橋 平石三拱在鎮東南栗樹港一作力持橋烏

程震澤東西分界

垂虹橋 環石在西柵跨運河俗名晨虹橋咸豐五年修
橋有五足象龍形今西南一足已被居民圻去相傳有
火龍匿其下故橋之上跨上塘街建晏公廟以鎮之乾
隆十七年火燬

按或指爲張志和垂釣處蓋因吳江之垂虹橋而附會也

明華士嶠中秋偕友人垂虹橋坐月秋思澄江遠遽
然病骨蘇閒情樽可寄有客月非孤不夜搖銀海垂
虹坐玉壺何須幔亭綵身恍度仙都

丁源垂虹橋竹枝詞荻花塘上荻花秋來往風帆過
客舟載得西家浣紗女扁舟直到五湖頭○西風落

日奈愁何傍水人家夾岸多夜半月明聞欸乃黃頭
齊唱舊山歌○家家結網半從漁鱸鰕槎頭笑不如
最好趕風梅雨候柳條穿得白時魚○採菱渡口荻
花塘雙髻如丫紅粉妝不及筠籃採桑女春來新織
嫁衣裳○簇簇江村萬井烟門前多泊估人船麥奴
黃後稻孫綠十斛明珠值幾錢○儂家住近古虹橋
郎若來時詩一瓢風月滿窗清似水紅花開到美人
蕉

輦載昌潯溪雜詩百尺危橋落彩虹誰知勺水是龍
宮他年噓氣成雲後吸取西江水一空

志五
邪典南林雜詠垂虹橋夕陽見蒼弁積雪明洞庭不
向垂虹望誰教眼倍青

董蠡舟潯溪棹歌輕寒料峭一村風聞道臙脂落日
紅生怕明朝歸棹阻玉纖扶婢上垂虹垂虹落照亦
十景之一
董恂秋日出游踏殘黃葉訪吟窩竹杖芒鞋得得過
秋色滿天何處好垂虹橋口夕陽多

又潯溪棹歌虹影橫空臥一條小紅何處和吹簫閒
看落照登臨去絕勝松陵十四橋

西弔橋環石在西柵運河北岸跨永安橋港南口嘉慶
十四年重建

石像橋 平石在西柵西弔橋北一名小弔橋嘉慶中建

孫燮濤西石像記

節錄

濤之西有橋橋側有巷地甚臭

穢市人于此旋焉居者弗堪也琢石爲老人像置巷
口庶幾人有所避而旋者如故市有博者夜夢神謂
之曰祭我我助汝博旦見石像如所夢禱焉果大獲
其鄰賣漿者以漿之不售也亦往禱漿果倍售于是
疾病者負販者稱貸者凡有求者皆禱備牲牢酒醴
而至者踵相接優伶演戲爲賽會日夜不休里人以
神像露處不稱崇祀率錢構屋限于地則徹路盡入
于屋而別作小橋通往來方鳩工禱者漸稀屋成禱

者絕不至不數月人復旋于其側焉

永安橋 環石在西柵乾隆四十四年重建

董蠡舟潯溪棹歌深掩烏篷怯曉寒十年前事話更

闌冰鮮大艚碇三板織里書船聚永安

三板永安皆橋名

永安木橋 架木在永安橋西

廟徑橋 平石在西柵妙境庵兜一作妙境橋一名詩橋

今名明月橋

按攷朱文肅集此橋並不與泰安橋同名蓋後人妄改俾與朱仁福墓碣相影附耳

廟徑木橋 架木在廟徑橋東

豐年橋 環石在西柵運河南岸跨紀家壩口乾隆壬寅

重修上有祖師廟

董蠡舟潯溪棹歌黃雲極望陌阡連十斛多收士戶
田上水擔篙抄路近豐年橋下討租船

天到橋 環石在西柵豐年橋內俗名棧房前康熙十五
年里人紀廣重建道光二年復建側有御書閣

紀峻重建天到橋記去予家數十武而近有橋曰天
到蓋所從來者遠矣 今上御極之元年里中父老
子弟慮斯橋之久而欲圯也謀所以更新之且謂維
居于橋側者于工料所需經理甚便一時若溫君曰
鑑邱君學海族弟觀德族姪珩諸人董其役不匝月
募有成數相與底材鳩工經始于道光壬午之二月

閱三月歲事向之歆側者今成坦道鄉之人士過而
樂之紀子舉手而言曰物莫不有盛衰而惟利人者
恆壽方高宗南渡駐蹕明義庵斯橋適承幸之所經
固斯橋之幸事也然嘗聞宋元時自東抵西寥寥數
家庵在葭葦叢間斯橋亦不過掩映于溪流村落而
已今則人居稠密比屋雲連橋亦幾成孔道蓋我
國家休養生息涵濡已百數十年之深矣抑家譜載
峻先六世祖竑階公于康熙初重建斯橋及見公日
記知爲丙辰歲共費白金五十兩有奇橋之中有碣
焉乃丙辰之三月夫自丙辰迄今不過百數十年而

其費且踰乎倍踰乎莧不知自公而前修者幾人費復幾何今峻也力有不逮不能步武前人心竊傷之然推我公澤行旅惠桑梓之心今得好善諸君子踴躍樂施不數月卽觀厥成豈非里之中一快事哉鄉老聞之欣然而笑曰有是哉古今滄桑更易豈僅此區區者哉今子曷書其事使後斯者知我里之日增月盛斯橋亦曰久而彌新子又何必以一家之盛衰爲戚戚乎予因退而稽之計椿木值若干石料值若干工食費若干又雜費若干凡白金三百六十五兩有奇樂捐姓氏幾十幾家俟泐之貞珉以與斯橋並

壽云

楊家橋 平石在西柵紀家壩乾隆時重建咸豐七年加

石欄

按范志云康熙丙辰里人紀廣建今攷廣所建乃天到橋非此橋也

鍾嘉橋 平石在西莊村乾隆時重建咸豐七年加石欄

一作鍾家橋

沐鳳橋 環石在西柵運河南岸跨西倉港口一名鳳凰

橋乾隆十一年重建道光十二年復建側有鳳凰池按府

志縣志俱作鳳凰橋與南柵鳳凰橋同名

紀再思重建沐鳳橋記

文見碑刻

鳴鳳橋 架木三拱在西柵沐鳳橋南亦稱倉橋

按相傳朱佑明

家米倉在此因架木爲橋名倉橋在鳴鳳橋之北後橋已圯去而倉橋之名遂移屬此橋矣

紀家壩橋 平石在西柵鳴鳳橋南俗只稱壩橋按或作壩橋謬

化人橋 平石在西柵秀水墳前跨石溪按舊志作在南柵譌

秀水橋 架木在化人橋東俗稱小木橋

三里橋 環石在西柵外運河北岸荻塘上康熙初重建

董恂淳溪棹歌三里橋邊水染螺裘莊風景得秋多

阿奴生小丁家港慣唱丁孃十索歌

按橋西三里爲六里橋又西三里爲九里橋又西一里爲十里橋並在荻塘上又西二里卽東遷村有東壽星橋西壽星橋並跨運河又西三里爲十五里橋在荻塘上范志並載今附錄于此

眾安橋 環石在三里橋北

小橋 石級架木在鎮西北小橋村

福積橋 平石在鎮西北俗名黑漆橋咸豐五年重建

明月橋 環石在南柵近中市跨南柵市河口與清風橋

南北相對宋紹興初建後更名泰安橋乾隆間重建道

光十一年復建

便民橋 環石在南柵跨市河俗稱奠民橋本係平石乾隆四年改建咸豐八年重建

廣惠橋 環石在南柵跨市河俗稱張王廟橋

興福橋 平石三拱在南柵跨市河乾隆五十年重建

通利橋 平石在南柵跨市河宋嘉熙中江州參軍華文

勝建俗名華家橋康熙初重修乾隆四年重建五十年重修本係三硤咸豐八年改建一硤兩旁甃石

董漢策重修通利橋碑記

文見碑刻

重建通利橋碑

文見碑刻

董蠡舟潯溪棹歌新開河口路初分南下南安未久
噍竿解青絲度通利臨流醺酒醉參軍

南安橋 平石三硤在南柵跨市河咸豐五年重修

南新橋 石級架木五硤在南柵跨市河一作南星橋一

名曰新橋俗名木橋

東交界壩橋 平石在南柵市河東岸跨司前港口與西

交界壩橋隔河相對道光二十年重建

會際橋 平石在南柵巡檢司署前今更名毓秀橋向係木梁俗稱太平木橋道光十一年改建石梁

董蠡舟潯溪棹歌打槳歸從薛濂西月華雨後盡沾泥晚晴會際湔裙去吏散官衙花覆隄

定心橋 平石在南柵市河東岸上建三元閣橋極低小與街道平或云此地當一鎮之中故名

花園橋 石級架木在南柵花園街後

鳳凰橋 平石在南柵市河東岸道光二十四年重建

土地廟橋 平石在南柵嘉應廟西南俗名毛家橋

廣勝橋 平石在南柵嘉應廟東南報國寺後俗名王家

橋

按范志廣勝橋王家橋複載

南林橋 環石在南柵報國寺前一名報國寺橋俗名畔

君橋

按俗謂匿爲畔相傳宋高宗嘗匿于此故名附會無據舊志南林橋報國寺橋複載

曲江橋 石級架木在南柵孫家壩一名朝真橋俗名孫

家壩橋

八卦橋 環石在孫家壩一作八角橋

秦庵橋 石級架木在孫家壩內

醋坊橋 環石在南柵市河東岸跨竹園港口因宋時官

醋坊故址得名今作楚芳橋

太君橋 平石在南柵太君堂前

師古橋 平石在南柵醋坊橋東

虹映橋 平石在南柵市河西岸跨虹映兜口今名虹陽

橋俗名黃楊橋

西交界壩橋 平石在南柵市河西岸跨城壕口道光二

十年重建

白鷗橋 石級架木在南柵白鷗兜內

夢華橋 架木在南柵市河西岸跨秤錘潭口

鷓鴣橋 架木有屋在南柵市河西岸跨新開河口

蔣家橋 環石在南柵市河西岸跨鷓鴣溪口與鳳凰橋

隔河相對今名補船橋

萬古橋 平石在南柵西華家街後萬古庵前

斜橋 石級架木三拱在補船村通簾里

姚石由豐草庵渡斜橋過長生寺訪友流水遶南村
村荒蔭枯木斜橋落古藤破寺圍修竹一徑入深松
之子在空谷徘徊不知還林鳥已棲宿

平橋 平石在簾里咸豐元年重建

朱家板橋 石級架木三拱在簾里

明董說板橋燕尾鳴濤急龍鱗駕壑時津梁復何恨
刀鋸不能辭枯槁溪樵狎艱危白石知微茫辨人跡

霜壓柳絲垂

〔又板橋得句〕碎雲著月裂秋穀老鯉嚼花吹斷霞櫓聲伊軋雁飛處人影倒垂橋窗斜

〔又板橋〕舍南舍北簷簷汎春雨春烟鷓鴣飛殘黃閃閃落未落皺綠溶溶歸不歸

談家橋 石級架木五礅在簷里談家灣

石橋 平石在簷里桂家埭西

義塚橋 石級架木五礅在簷里義塚前

蘇露橋 平石三礅一作蘇魯橋舊名豐登橋在南柵市

河西岸總管堂南道光中重修

北水港橋 架木五拱在鯨里東南

洞賓橋 平石在南柵外獨樹灣一名塘濱橋

麻湮橋 石級架木鋪石在南柵外塘濱灣

道心橋 平石三拱在南柵外曹灣

百老橋 平石三拱在南柵市河東岸舊名白鸞橋嘉慶

四年重建

渡船橋 架木三拱在南柵外渡船港

尤家橋 架木三拱在南柵外尤家港

許家橋 平石三拱在南柵外簡五塘許家兜口

高基橋 平石三拱在簡五塘高基兜口

豆腐橋

平石在簡五塘豆腐兜口一作鬪富橋明釋祿

宏曾住此三年

按南柵外有蓮池兜在康王寺橋南相傳蓮池大師所居至今沈氏聚族于此

攷祿宏本仁和諸生非壽人蓋因曾住豆腐橋而附會也

豐橋

平石三硤在簡五塘草蕩漾口

仰止橋

石級架木三硤在南柵外俗名硬漲橋

康王寺橋

平石三硤在南柵外褒能寺前乾隆庚子東

石橋蔣永嘉藏穀橋王儀二人重建

袁士達康王橋晚泊偶占夕陽晚晚翳迴塘偶繫扁

舟古寺旁憶昔宸遊曾駐蹕溪橋猶自記康王

按自此西南有丁家橋又南有樂嘉橋東石橋七里塘橋藏穀橋舊志唯載七里塘橋今附錄于此

清風橋 環石在北柵近中市跨北柵市河口宋紹興初

建 本朝乾隆五十年重建咸豐五年修

姚景熹月夜夢坐清風橋得句醒而足成之吟魂驚
破五更鐘耿耿寒燈挂碧空欲向枕邊尋斷夢半橋
殘月落清風

太平橋 石級架木在北柵跨市河康熙初重建橋之東
堍出入一狹衍行人深爲不便嘉慶二十四年里中醵
公資買橋下屋宇一間拆卸改爲公路闊一丈一尺五
寸兩旁立石界

金之俊募造二橋疏浮圖之說非儒者所尚也至募

緣僧尼沿門托鉢飾苦行以惑眾借佛面以刮金則
尤佛法中可鄙者也雖然儒之闢釋不過以其崇尚
虛無毫無利於民生物用與儒者之窮約而存心立
達榮膺而顯用施濟不啻霄壤爾若夫水鄉之橋梁
猶之陸地之車馬實王政中濟民利物一端也自潯
水西至茗城係往來通衢運道攸關沿塘七十餘里
爲橋不下數十處凡以維斷通闕一處圯壞咫尺關
河乃溥西之三里六里九里三橋一時並圯繹卒裹
足行人怨嗟甚且霜凝雨滑慘墜數命余往來其間
未見有存心立達顯用施濟者爲之倡議整葺如拯

溺救焚然豈以徒枉輿梁無關王政之一端乎嗣見
向之募足者信足而疾馳向之怨嗟者嘖嘖讚歎有
歡喜色則三橋已煥若飛虹坦若康莊矣余異而詢
之里人誰其爲此則曰有一比丘尼募造而成噫此
固崇尚虛無之流也而反肯爲此濟民利物之事乎
且聞其募不强施貲不沾手經費有節程材估料并
并有畫旬月之間三橋成若役鬼驅神余不覺感歎
久之一日比丘尼持一緣冊來索余言應門拒之尼
曰我非假名募緣惑眾者比潯西三橋成之者卽我
也比入見則蚩然一老婆羅而胸中頗明了矢願更

廣將復舉潯北之北迴橋太平橋一時並葺之此二
橋爲居民作息必經之要路求濟者殆有甚焉擬卽
日鳩工誓猶三橋之成余固目擊其有成效而許之
一言以贊助之嗟乎彼服儒服冠儒冠而不以利物
濟人存諸其心顯諸其用孜孜焉惟日不足者其視
此尼爲何如哉然余終不敢謂濟人利物者不出于
公卿士人而反有遜于尼也則斯二橋之成也雖爲
費不貲亦可以刻日埃矣

聚福橋 石級架木在北柵跨市河舊名永濟橋俗名鹽

店橋

按范志永濟橋
鹽店橋復載

柵樁橋 石級架木在北柵跨市河舊名馮公橋一名萬

善橋一名北關橋

按范志馮公橋北關橋複載

北新橋 石級架木在北柵跨市河

董恂潯溪棹歌小市千家聚水濱輕舟日日往來頻

橋從柵口分南北南盡新北北新

天帶橋 石級架木在北柵市河東岸跨後河口今更名

天福橋乾隆五十年重建咸豐六年修

藕湖橋 架木三拱在北柵跨後河今名淨波橋

官房橋 石級架木在北柵栲栳灣跨後河一名西暖橋

前卽官房衙

按范志又有東暖橋係質庫中架木以通往來者故俗名當橋近年已撤去今不載

蓮界橋

石級架木在北柵北十字港東跨百間樓港口

舊名戩穀橋一作翦穀橋亦作聯界橋一作聯解橋俗

稱阮家橋明建本朝雍正三年重修乾隆十六年復

修嘉慶四年又修

按范志蓮界橋
戩穀橋複載

張文光重修聯界橋徵信錄小引茲橋建自明季以

迄于今其間或修或補光生也晚弗克記迨雍正三

年間坍塌難行里中集同志十家得二十金聊爲修

補先君與焉今年六月初三日忽崩其南塊水陸阻

者兩日同里好善諸君子思爲永遠計復集二十六

家仿前法各捐金二兩棄其舊而新是謀卽于十二

日起工不費日而告竣嗟乎人心之不可解也久矣
凡遇遊戲宴佚賽會迎神往往不吝費甚且惑于因
果佈施僧道爭捐金數千而不惜至於補路修橋利
益萬人爲眼前實際每赤面澀聲較量錙銖焉迺吾
里之建此橋也不謀而合匝月而成踴躍輸將若惟
恐他人之我先何吾里之多善人也光得強勉附驥
誠哉幸矣因列敘捐金姓氏并工費若干于後俾百
年後久而思新者得所仿焉茲橋雖細事芳名庶幾
其長畱歟乾隆十六年八月十九日張文光謹筆

張徵募重修聯界橋啟

錄節

本圩聯界橋當南北之衝

爲舟楫之會層基漸圯拾級堪虞昔雖屢葺其板梁
今擬更新其石甃嘉慶四年正月

圓通橋 平石在北柵市河西岸跨唐家兜口舊名風月
橋一名眾安橋向係石梁乾隆間圯重建改爲木梁道
光中復改石梁

潯溪橋 架木三拱在北柵市河西岸跨潯溪河口

彩虹橋 平石在北柵姚家灘東一作彩五橋有華氏曉

山園遺址

南車駕橋 架木三拱在北柵外古漚港西岸

北車駕橋 平石三拱在北柵外古漚港西岸

下壩橋

架木三拱在北柵外下壩一名梅家橋

箬帽橋

架木三拱在下壩北

酒坊橋

架木三拱在北柵外斜河疑是宋時官設酒坊

處

樓下橋

平石在北柵外樓下亦稱新橋一作留下橋

北迴橋

環石三拱在北柵外三里跨古渡港一作北匯

橋亦作北渭橋亦作北會橋一名雲興橋明嘉靖中建

本朝乾隆九年重建

茅星來北迴橋碑記

文見碑刻

補遺

小圩橋 平石在西柵小圩北

桂家橋 石級架木三拱在鰲里桂家埭

東長興港橋 架木三拱在鰲里之西

紅牆橋 架木三拱在北柵外

古蹟一

汪曰楨撰

南潯鎮志六

南潯城

元至正十六年張士誠所築

按舊志及府縣志並作十三年與碑

記丙申不合誤也

二十一年七月重修明洪武二年十月圯磚

石修築蘇州城基址尚存約週三里今東西二柵皆有

弔橋又有城隍上之稱猶可想像規制亦稱太尉城

〔元無名氏南潯重修城記〕

文見碑刻○按据此碑城始築于元代無疑華氏傳

芳錄謂宋時卽有城舊志附著其說實無確證後人有宋時嘗設鄆縣之瞽說蓋基于此攷宋時鎮市皆在運河之南故祇園寺莊田記謂寺在潯北嘉應廟敕牒謂廟在中趙子昂道出運河而蘭亭跋云至南潯北是元初猶然迨築城以扼運河孔道於是市井漸移而北遂以通津橋爲中市迄今四柵惟南市最長亦其明證而宋時有城之妄不攻自破矣

曹仁虎潯溪竹枝詞張王城廢有空壕折戟沙中浪
暗淘惆悵夜烏啼不住女牆基畔月輪高

范錯潯溪紀事詩春明走馬向城壕可是三興土築
牢憑弔淮張遺故址夕陽曾映女牆高

董蠡舟潯溪棹歌監鎮無官驛舍傾女牆誰聽夜烏
聲詩人沽酒停舟問一笑來尋太尉城南潯城爲張士誠降元後

所築故人稱太尉城○三興輦土事相同想像金湯百雉雄好

片城壕調馬地阿誰玉埒走花驄南棚有地名城壕上亦曰城隍上古

壕走馬爲潯上十景之一○百隊戈船泝急瀧當年王勝此生降

不畱折戟供憑弔衰柳殘蘆咽暮江王勝爲張士誠守南潯至正丙

午明兵至勝以城降
見王文恪姑蘇志

按潯溪文獻沿革古蹟並首載南鄆國引王嘉拾遺記南鄆之國有洞穴陰源其下通地脈中有毛龍毛魚時蛻骨於曠澤之中魚龍同穴而處其國獸毛龍于上置豢龍之官至夏豢龍不絕因以命族至禹導川乘此龍及四海會同乃放於洛汭并引郡國志及山海經太湖包山禹藏素書及不死方于此與洞庭君山石穴潛通以證陰源地脈又引吳江縣志及史鑑龍墳志蠡澤湖爲大禹治水斬黑龍處永樂間大獲龍骨以證毛龍蛻骨且按湧幢小品所云大橋巨蛇指爲毛龍之耳孫荒渺附會張志沿革不載南鄆國是矣而古蹟仍載之董志復增入沿革范志始盡削不載最爲有識

扶塘

今名東塘自湖州府城東至震澤縣平望鎮凡袤

一百二十五里卽運河隄岸也爲西來諸水之障且通往來晉太守殷康所開旁溉田千頃在城者謂之橫塘

城外謂之荻塘以地多蘆荻故名後太守沈嘉重開改

名吳興塘唐開元中烏程令嚴謀道重開荻塘

按謀道一作謀

達

廣德中刺史盧幼平增修貞元時刺史于頔重築又

曰頔塘

按震澤鎮志作貞觀中誤

元和中刺史孫儲增修明萬曆戊

子己丑間知縣楊應聘修築三十六年知府陳幼學贊

以青石尤爲堅固今在鎮中者市廛叢簇夾岸駢闐

本朝順治十二年修築道光十二年重築運河石塘

按

獻云吳江縣志云自平望鎮西行至烏程南潯鎮曰荻塘一曰荻當作頔以塘築於于頔故名而俞陸詩曰當年于頔刺湖州曾築長隄捍逆流兩岸曉風揚柳直王孫得意聘驂駟按平望在唐當屬湖州頔作刺史時尚未分隸吾吳也然則自潯西抵縣城馳道七十里皆爲頔塘吳江志祇自敘其一邑故抵界止耳又按烏程縣

志縣前一里亦曰荻塘太守殷康開兩岸多荻草今自縣東門外絕潯水名曰東塘朱文肅公有記祇園寺碑亦曰雪城之東有塘曰荻的爲明據攷文獻此條稱荻吳必是潘志原文辨析精允蓋歸安縣南之橫塘烏程縣東之東塘震澤縣西南之西塘皆古之荻塘分隸三縣在唐時並烏程地也太平寰宇記荻塘在州南一里一百步吳興記云晉太守殷康所開旁溉田千頃陽侃隋錄云烏程沈恆居荻塘家貧好學每燒荻自照因名塘西引雪溪東達平望官河北入松江其云在州南一里一百步指塘首而言去州治最近處也其云東達平望官河指塘尾而言去州治最遠處也其云溉田千頃則統塘之全勢計之也後人或專指震澤之西塘爲荻塘或專指歸安之橫塘爲荻塘其說皆偏而不備不若寰宇記數語最爲詳晰又山謙之吳興記謂吳興塘卽荻塘此與唐刺史崔元亮所開吳興塘在府城東二十三里屬今歸安界者名同實異蓋唐時仍名荻塘而吳興塘之名漸泯故元亮別開吳興塘不復以同名爲嫌觀開元重開貞元再築皆祇稱荻塘可見

明朱國禎修東塘記水之利害界以塘登以石太復

先生及余各有記然此特百一耳中間支派曲折至多最鉅者東塘自東門盡潯水凡七十里履畝而隄漕道出焉管一州六邑之口而外郡入者如汲故潯雖鎮一都會也自潯而上雖名塘實馳道也內護田

護疑衍

廬千萬歲戊申大水襲數尺潰下如之風衝波

激行旅踐踏篙櫓攢排存者無幾太守陳公痛之於是請所司修東塘要歸以興作兼賑濟仍紀錄以獎分任立石以垂永久費凡一千五百餘金先是公秩滿將遷夢有神告曰徐之活十數萬人乃去心異之旣加銜視事兩作

按兩疑雨誤

歎曰嘻身當之矣涕泣焦

思鎔銖積累必以情幽隱搜剔必麗法勸市勸積先
勞無倦餘皇之粟旬日而帆上者千兩淮之稠爲空
五湖之廩俱滿民不知災道無浮殍次年大豐斗米
六算蓋公之節目極多而修塘其一也塘成父老列
三德五制以頌曰傭工曰保障曰利涉我知之矣曰
測水加高內土帖岸暗溝淺水祇築防損移沙瀘淖
我又知之矣乃若公之大造我湖在於土石筋力之
外父老未之悉也夫國以禮爲防防民之潰甚于防
川湖俗梟悍其竄關弄機浸淫蠹食則塘之蟻穴也
犯上扞文六弁欲潰禮

按六弁疑
奔字誤分

則塘之撞竿也豪

私族據焰尾腥脣則塘之鱣淵也公閔斯勤斯忘寢
與食要以正紀綱別善敗爲急窒其穴折其竿闢其
淵用固吾圉而施之德澤卽有時動發終不勝其窒
與折與闢之力夫然後田疇可殖子弟可教駸駸風
移俗易而偕之大道竊笑我湖自莊襄公後及泉李
公至而人始知官府自我公至而人始知朝廷與聖
賢之學則其爲防者峻而極之至於旱乾水溢之無
恙也人第知七十里屹如互如以爲公之大而不知
特一節之驗又第知一舉兩利成百年之功活億萬
人之命以爲公之得天告成事而不知苦心竭力除

其錮疾飲以太和幾捐身以障東流而不忍妄用湖
之一錢一粒則固可對天地質鬼神也頑癡人也北
行時歲事正急認賑百石歸而自免重爲諸父老羞
今又以不文之辭記人情往往私其果實獻其皮毛
爲不信視朱生則忻然笑曰惟其有之是以似之公

謹幼學號筠塘錫山人

按此文雖刻石而在府城東門外不在南橋故不入碑刻

仍據劉沂春縣志錄全文于此縣志刊本多脫誤朱文肅公集此篇適在缺卷中惜不得拓本一校之

張鑑重修東塘碑記

文見碑刻

唐盧綸奉同顏真卿送李侍御萼賦得荻塘路雲鱗
鱗滿河濱疊處淺旋處深撒波寒魚上復沈羣鷺鼓

舞揚清音主人有客簪白筆玉壺貯此光如一持此

贈君君飲之聖主識君冰玉姿

按舊志及府縣志並不載此詩攷全唐詩

綸詩凡五卷亦無此詩且詩語與荻塘路題意不甚合徐獻忠吳興掌故集載之疑有外謫始錄以俟攷

唐釋清晝奉同顏使君真卿送李侍御萼賦得荻塘

路落日車遙遙客心在歸路細草暗回塘春泉縈古

渡遺蹤歎無沒遠道悲去住寂寞荻花空行人別無

數

按范志載此詩誤爲顏魯公作

又與李司直令從荻塘聯句一首畫舸悠悠荻塘路

真僧與我相隨去寒花似菊不知名霜葉如楓是何

樹

令從

倦客經秋夜共歸情多語盡明相顧遙城候騎

來仍少傍嶺哀援發無數

畫

心閒清淨得禪寂興逸

縱橫問章句蟲聲切切草間悲螢影紛紛月前度

從令

撩亂雲峰好賦詩嬋娟水月堪爲喻與君出處本不

同從此還依舊山住

畫

采沈與求舟過荻塘野航春入荻芽塘遠意相傳接

渺茫落日一篙桃葉浪薰風十里藕花香河迴遽失

青山曲菱老難容碧草芳村北村南歌自答懸知歲

事到金穰

宋孫銳荻塘柳影日出烟銷春晝遲柳條無力萬絲

垂韶光新染鶯黃色偏愛東風款款吹

曹仁虎潯溪竹枝詞菰城東下鏡光遙迤邐長隄泊
畫橈水閣千家簾影接荻塘無復荻蕭蕭

分水墩 在東柵外運河中流爲江浙分壤處故名一名
轉水墩相傳元人所創以東去水明董份建龍王廟後
改爲文昌閣又北柵外古溲港中流有北分水墩

姜虬絳登分水墩偶題爽氣西來流向東翬飛鵠峙
矗空濛千尋碧蜚連溪緣一道晴波落照紅紺寺烟
浮通越嶠津亭帆峭指吳宮與誰沽酒憑高望快挹
雌雄面面風

方能題分水墩潯水中分江浙流凌虛縹緲矗飛樓

三吳雲物連波捲百里風烟空影留欄檻重開新面
目湖山仍照舊春秋年來小劫頻興廢眼底滄桑總
胥愁

董駿泛月登潯東分水閣蓬萊何必去東瀛三瀨灣
前傑閣撐朱拱霏微流玉液遙聞天半步虛聲

紀汝霖次韻分水墩遠眺傑閣凌虛景物收數聲漁
笛足清幽兩眉遠隔具區澤一水中分苕雪流俯仰
忽成今日感澄空眞覺此身浮回頭極樂無多地彼
岸還憑一葉舟

范鍇潯溪紀事詩清明時節正春酣六柱吳船蕩碧

潭分水墩前試春望斷腸門外是江南

研北居瑱錄自郡城東六

十里至南潯鎮鎮南北約五里支港多而紆曲東西約三里餘苕水自西來至通津橋一大折東流直下並無關鍵分水墩閣之建原以培風水也前明中葉科第極盛有九里三閣老十里兩尚書之諺閣老謂馬要沈氏七里溫氏潯之朱氏尚書乃董氏與馬要沈氏也當蠶絲入市客商雲集四民各習其業彬彬然一大鎮會矣國初以來顯達不多然余或踰月街衢書聲與機杼往往夜分相續豈因風水之不培植歟術者云分水墩兩岸得建兩塔以鎮水口為妙此非大有力者不能也○按風水之說本難深信然卽以風水論柵口建塔恐亦非宜昔董潯陽建東藏塔不敢合尖以塔影太高瀉人去水也後來重建仍止三層不敢加至五層亦以此故倘建諸柵口不更甚于東藏之塔乎慮後人誤惑是說將糜財力于無用之地故詳錄而辯之

董蠡舟潯溪棹歌飛樓縹緲麗朝曦兩界分流限此

墩遙指荻塘帆轉處疎林薄靄隱曹村

分水墩舊有龍王廟今爲

文昌閣十景中東閣臨流卽此荻塘帆影亦十景之一曹村在鎮東三里震澤縣境

陳家墩 在南柵積善庵隔岸

沈家墩 在南柵報國寺南

茅屋墩 在南柵外划船漾中明董份讀書處

明董說茅屋墩圍潭最得蒹葭意四五里推茅屋墩

更無橋板水中接指點烏寒飛過村放眼樓嫌三面

閉半枯松說六朝根經箱扇面題牆字春雨茫茫暗

墨痕

庵有先翠榆先生詩并白華樓前輩諸翁遺墨

張鑑茅屋墩古寺出中流烟雲一望收似聞深竹裏

舊有讀書樓水鳥嘯高樹藤花發晚秋昔人不可見
招悵棹歸舟

煤山 在北柵煤灰所積高數丈潯地無山故強以山名
俗稱煤矢灘

方熊潯溪竹枝詞堆垛年年疊作巒登高步月共躋
攀可堪空阜稀雲樹六里南林只假山

張鑑潯溪棹歌涼露娟娟一半秋水犀花發月當樓
隔窗喚起吹簫侶曾到煤山頂上頭

增易南潯十景
有煤山望月

臥塔 一名水塔在北柵外北新橋北西岸水際自南至
北有七池縱廣各數丈迤北漸小約長里許形若浮圖

七級故名明董氏用形家言傍岸開築以塞水口者

按臥塔或稱眠塔在嘗三北圩直北階三圩之西
依蕩則辦糧放各圩之名定于宋代兩圩之間必
有溝渠間隔而一圩之地必相連屬後世陵谷變
遷懼一嘗三箋一等圩各分爲三並應連而斷棟
四圩與懼一北圩則應斷而連嘗推究其故一由
元代築城環城濬濠一由明代宦家造墓構屋輒
拘形家言紛紛遷改如懼一北圩與中圩中隔百
間樓港嘗三中圩與南圩中隔西木行港箋一中
圩與北圩中隔司前港皆元時城濠也懼一中圩
與南圩中隔後河則以在董氏宗伯第後也箋一
南圩與中圩中隔定心港則以建定心橋三元閣
也嘗三北圩與中圩中隔潯溪河則以其南有吳
曹朱三家祖墓其北又有吳氏陸氏董氏諸墓也
棟四懼一分界溝渠亦必董氏造石人墳時塞之
也北柵外桂花墳之北隔水有小拜二圩與大拜
二圩中隔小港亦董氏所鑿又東柵之倉潭南柵
之新開河並以董氏住宅而開此與臥塔創于董
氏故老皆能言之若懼箋等圩分合之故則無復

知之者今以形勢測之如此而他圩之分合皆可類推矣

陶氏別業

在西柵箋二圩宋代所建久廢

按紀氏秀水墳卽其故址

曉山園

在北柵外彩虹橋元元統中宣義郎華振道建

構三院而陽軒堂水閣廂房規制相等地形方四周皆

碧滿石甃琴牀雜蒔芳卉望洞庭兩山青翠如削因名

明時已廢

按薄溪紀事詩注作曉園脫山字董蠡舟薄溪棹歌注因之云曉園在鎮東之石解尤舛

小桃源

在南柵石解之北花園街內元至正初承事郎

華處綱建地多叢篁茂樹又多土阜就其高者爲隴亞

者爲阿壘石成山作茅屋草堂款制略與曉山園等而

幽秀過之明季爲莊允城所居允城子廷鉞建百尺樓

于園中及莊氏籍沒園爲董紹聞正傳所得稱董園有石挺立如人高二丈餘中有孔月光照之穿影如璧名曰明月峰後園廢石亦爲人購去按翁廣平書湖州莊氏史獄引湖濱雜記云允城過南潯之夏家園見金銀氣甚盛遂購居之獲藏金無算乃華家園之誤

張丹山潯溪棹歌曉山深處似江邨石澥回環舊迹

存一白泌園增築後無人重問小桃源按張鑑蠅鬚館詩話云董

氏泌園舊址在花園衙內有大湖石高丈餘後爲馬要沈氏取去白皮松一木高過屋山幾倍亦爲有力者所奪靜齋存草云先宗伯泌園不十年化而爲園然則此石也松也是後人所添置抑卽前人所經營耶今攷松石皆董紹聞園中物因董園之稱誤指爲泌園此詩卽承其誤

紀氏南園 亦名南莊在城壕東岸明紀中建久廢

東墅

在東柵亦稱東園今無攷

按今懼三圩田野時掘得太湖石疑卽其遺址

明董份張君東墅記潯地小人衆民稠居而櫛比無閒曠之隙曠特在四野其東倚大道有廣原莓田益東頗有林澤之饒歲時好事者每多東游而予家潯東也曩予甚困時時行林澤問道誦其書罷卽時與客取飲醉臥歌呼與游者相應樂也已而感歎坐中歛歎莫知其所爲者然好數往率以是爲常其後仕宦京師陸沈金馬間多默不自得每思潯林澤之可游者積一數年乃得請告歸而居潯好事者益駕艇設樓施多從鼓鐘笙歌招邀載酒爲樂慷慨道故厯

歷曩時事而諸公雅游輒授簡爲文辭賦詩雍容甚盛當是時張君在坐予私觀其有翩翩之思焉會予告滿復治裝適由潯東泝北入都駐蓋俯仰林澤久之與客別而去其後予入都而病每念未嘗不在潯東所歌游處也其悔之甚常與客言人強其性則怫而病滋辟之筍魚筴鳥雖日飾以芬餌饗以珍粒不如縱之湛淵任以林蔚也且旣不可同日語矣乃者暫游淵而適蔚又復內之筍筴其情可勝道哉良久予病不已徐子者好方多奇素與予甚善乃從潯暑赤日中走數千里入都視予病病方差因從容曰楚

人有云人之思故在其病予越人也其聲之越久矣
今潯東諸林澤處何如諸游者今無恙否徐子爲備
道其處因言張君者最喜客慕游數爲樂潯之東其
自稱東墅也予蹶而歎曰嗟乎夫潯子有終焉之志
向者將樂而忘老顧不早自定驅馳於塵埃車馬之
間使張君得藉而有之誠不能無少望也予聞張君
厭纖嗇好閒雅曩之所見其翩翩者不誣也夫人旣
已委質于朝此于魚鳥之性宜不自遂已張君方年
少不爲祿宦卽極其所往比之濯波清冷而負風膠
廓也則東墅且屬之張君明矣徐子曰予行急張君

則有言曰夫人所居不同其事亦異棲林託泉媚一邱壑以自榮者偏方之士也贊廟堂佐區宇攬四海以爲度者達觀之情也今夫子上遇明天子下得任職他日得究其度使邱壑者有所庇而安焉不亦偉歟而顧爭勤于田墅之間左矣徐子因挾一卷請所以贈張君子旣高徐子之義又美張君之言遂記其本末如此雖然子病不適用爲我謝張君甚厚子當歸潯水之上與張君言于東墅矣

泌園 在東柵明宗伯董份別業今改造或云董宗伯祠

卽其故址

按泌園建後未幾卽廢久無可攷董志明云改造自必有徵後人或指董紹聞園以當之

或謂煤山卽泌
園舊址皆謫

明董份夏夜園亭卽事二首
避世人方笑行園客偶
同窗搖楊柳月亭敞
芰荷風鳴鶴穿蘿徑
游魚戲藻叢生涯
唯有醉莫使酒杯空
○宴坐當初伏開尊
對小池夜深魚躍水
月出鳥移枝
菡萏隨風馥梧桐帶
露垂何當歌吹歇時
爲理琴絲

又園中清溪迤邐曲
通源野徑池深晝掩
門一鶴天空時自唳
百禽春到總能言柳
因久植陰圍地花正
繁開香滿園珍重園
公好培養莫教風雨
妒芳蓀

又園居卽事五柳閒
門晝不開一園高臥
日悠哉池

邊把酒聽禽語竹裏彈棋有鶴來白石爛時歌已倦
紫芝采罷曲新裁少微只媚山中色豈有祥光燭上
台

明董嗣成泌園芍藥盛開侍家大宗伯公讌集賦呈
二首平泉景物麗三陽曲檻雕欄百寶妝朶綻纖霞
嬌吐燄枝承曉露暗凝香喜隨曳履星辰動共羨開
尊日月長好比謝家諸玉樹春風歲歲滿華堂○奇
葩曾占上林雄怯並花王富貴同金谷乍披香靄散
華清初沐瑞烟濃氤氲低壓銀鉤溼璀璨光分玉燭
紅賜得漢庭靈壽杖不妨扶醉月明中

明董斯張秋日舊園書事

先宗伯初構別業命曰泌園不十年化而爲圃予傷

之作

是詩隔歲重相過秋心滿一園高樓經晝閉往事老

人言徑直柔桑合池平野鵲喧坐看白日影勿使淚

空繁

曹仁虎潯溪竹枝詞瑞雲峯勢最玲瓏盤石曾傳出

水中夜半寶光何處去泌園無主草青蔥

范鍇潯溪紀事詩泌園水木賦幽居一朵雲峯盡不

如惆悵舊時雙紫燕銜泥重到已荒墟

王同軌耳談董宗伯潯陽

公得某家山石高五丈運巨舟載歸至震澤舟沈墮水中公不能釋募善泅者入水求之泅者探石盛在一大石槩上槩可合五六抱公甚駭異令數百人次第皆起之而以石置槩孔毫末湊洽蓋卽當時以盛

石者而其家亦不知所始袁（父）道錦帆集團亭紀略
徐岡鄉園在閭門外下塘堂側有土壘甚高多古木
壘上太湖石一舊名瑞雲峯高三丈餘妍巧甲于江
南相傳爲朱勔所鑿纔移舟中石槩忽沈河底覓之
不得遂未果行後爲烏程董氏購去載至中流船覆
募善泅者取之須臾忽得其槩石亦浮水而出今遂
爲徐氏有范長白曾爲余言此石
每夜有光燭空石亦神物矣哉

華氏小園 在洗粉兜明華仁溥所築今廢

窺園 董漢策建今無攷或云煤山卽其故址

董漢策木蘭花令戲賦窺園小山酒澆五岳何方去
坐對忘言唯有汝嶙峋天外解飛來占斷松筠最深
處墨池影動天邊雨灑徧龍門和砥柱傍人休笑此
山孤猶有雲峯相伴住

溫春生窺園潯南有君子高素如空秋經綸冥極外
靜與邱壑謀結廬非桃源乃窮泉石幽崑崙出戶牖
雲霞飛牀頭撫琴作龍吟惆悵蟪蛄愁有時發浩歌
空中驚濤流天地尚兵甲吾道將安休所貴蒙莊情
偃仰爲沈浮晨夕論今古曠然耳目周斯世未可忘
暫爾寄悠悠

姚氏園 在東柵洗粉兜姚景熹所築園中有石峭立如
筍高丈餘

重恂潯溪棹歌荒烟寒雨繞枯藤姚氏園林自昔稱
看竹不須重問主一峯如筍立崢嶸

半畝間 在南柵白鷗兒陳可升之祖所築久廢

陸賢英經半畝間故址鵲林啞啞鴉陣黑橋林霜剝
無一實外氏經營半畝間我來雙手披荆棘桑柘垂
垂蔭板門採桑之婦來前村入門相視不相識問我
誰氏之子孫俯首沈吟轉淒咽口不能言對以臆草
木平泉金谷園世家流落今何存舟移壑徙等閒事
一物易主安足論出門直去不復顧回頭日暮風吹
樹暮景桑榆記往年往年娛老此中住牡丹落手興
欲飛奕葉流連賞花句曾大父有識
賞牡丹詩瞥眼辛勤不記
年落花滿地浮蒼烟一器失墜非子弟縱乃頭角高

摩天乃知古人有深意一草一石都勤記歎息歸來
閉院門檢書兀兀心如醉

陳可升閱陸甥經半畝間詩爲之雪涕和詩二首老
桑綠被白鷗濱半畝當年稱隱淪佳境荒唐成隔世
高情稠疊愧畸人幼弱慣從名宿醉衰頽空憶故園
春板橋巷口依然路來往花時淚滿巾○才費經營
老息肩廢來又見卅餘年牡丹不與孫行看奇石先
教友輩遷讀易破窗巢野雀觀魚舊榭散寒烟門牆
遺址尋無迹豆架瓜棚綠蔓延

且住園 在南柵陶家街南中有且住軒董氏所築今廢

董熈且住軒記宅北有隙地半畝綠以周垣垣西架
屋三楹綺疏雅素皆東向前列梅桃雜以蜀葵薔薇
木香緣牆皆蓬麻餘畦則蔬菜瓜茄隨時提蒔已而
翦其蒙蔽殺竹爲籬籬環圃而護之外築石徑每風
日激霽時鳥變聲行於圃中陶然樂也始宗伯潯陽
先生之營是宅也宅後重樓高大更數傳而貧不能
守歸他姓先王父破產復之而撤其樓樓址遂爲荒
土久之又更二姓自家君復完理之荒穢始去旣又
僦於人數年今乃仍歸主人得以築斯數椽爲游息
之所焉嗟乎容臺創業奕葉簪纓流風遺書猶在人

口而樓居變爲平地甲第屢易居人俯仰二百年之
間興衰禍福倚伏循環何可勝道則今者父子兄弟
樂且住之爲佳而扶杖撰几於斯也能無感於中乎
且夫烟雲風雨咫尺萬變且住中之天地也坐春花
納夏涼聽秋聲曝冬日且住中之四時也或挾書而
長吟或倚石而賦詩布衣蔬食逍遙物外且住中之
日用也閉門埽軌座無惡賓鶯求其友攜柑以聽且
住中之友朋也然則感遺構之難保樂生機之日新
坐觀草樹之榮悴而徙倚於柵雞圈豕之餘蓋未嘗
不歎蓋公傳舍之達而笑衛公平泉之陋也

董炙且佳園僻性愛邱山愧無登頓日舍北結園亭
聊以求自適種竹千萬竿蕭然見清逸好鳥對我鳴
琴書日在室俯仰萬事宜何勞空戚戚人世多營謀
我獨守吾拙

范莊 在馬家港懼字二圩相傳范蠡種竹養魚處有水

一泓曰范莊池近朱文肅公宅後圩之南又有范莊灣
按鎮東南三里許曰陶墩以陶朱公名村也又數里曰
蠡澤而震澤西偏有橋曰思范豈鴟夷子皮往來此間

獨久耶

按范蠡舊居當出明人附會故舊
志亦作疑詞今姑從舊志錄之

孫瑛范莊畱題范公遺蹟舊池塘隔竹人家尙有牆

清絕水邊梅一樹不教冷落此村莊

姚石遊范莊披榛入竹到溪莊深草芊芊鶴徑荒小
犬吠人依竹援歸舄帶水上漁梁香疎豆架花成莢
樹老秋園葉半黃終日徘徊幽意愜把茅何計得連
牆

邢典南林雜詠范莊少伯功成後飄然去海濱范莊
如黑子留與墨溪人

拜三莊在北柵外明董份館李樂于此

按莊西卽董氏桂花墳

牒四莊在南柵外董漢策館閔南仲于南港卽此

秋卿第在西柵紀家壩明刑部員外郎紀濂所居

大宗伯第 在東柵大街明禮部尚書董份所居

少師第 在東柵馬家港明少師朱國禎所居

董載昌潯溪竹枝詞滿園桑柘十分青中有前朝閣
老廳一帶沙隄誰省識寒烟漠漠雨冥冥

范錯潯溪紀事詩揭議均田法最良至今父老話難
忘淒涼月落秋林外蔓草寒烟相國莊

水部第 在東柵洗粉兜明工部郎中華士嶠所居

京兆第 在南柵絲行埭府尹張鳴鈞所居

九老第 在東柵大街工部侍郎范璨致仕歸所居 欽

賜香山九老匾故名

太史第

在西柵泰安橋西編修夏開衡所居

按道光時燬於火

大夫第

在南柵知州徐德元所居

進士第

一在城壕上進士殷維藩所居一在南柵進士

陸士渭所居一在西柵進士陸嵩高所居一亦在西柵

進士溫鶴立所居一在馬家港進士溫文禾所居

紀白雲故居

在西柵鳳凰池上紀遠所居

紀遠古樹賦序余久寓囂塵丁丑重陽前二日移居

垂虹之南有古樹在焉因倚樹結屋并爲賦之

紀官老樹

子深叔新居

市烟盡處屋三間老樹扶疎弓樣

彎恰蓋茅簷風颯颯偏留菜圃雨斑斑半庭清影供

佳客滿壁濃陰當好山始覺連林未爲異平生特立似相關

邢典里居有感蠹簡悲香谷

國初明義庵僧有香谷集已軼荒居

弔白雲

紀遠號白雲有遺稿一卷已刻先生故居在鳳凰池畔余幼時曾過之今爲孫氏後園

眼前方百步流水自汙汙

姚亦山故居 在洪濟橋畔姚石所居

董扶搖宅 在百間樓醬園街內董浩所居

邢典南林雜詠雞腸術屈曲雞腸術相尋過板橋百間樓似昔日斷董扶搖

陳補亭故宅 陳可升所居今無攷

陳可升返故宅言歸我素志喜是先人廬庭漸蔭新

卉樓仍疊舊書曉晴鶯喚近晝靜客來疎旣得長閒

適蕭然實晏如

按半畝間爲可升之祖所居此言先人廬當是其父所居可升祖爲隱士

父亦詩人惜名字並無取

吳晚青故居 在北柵姚家匯乾隆初吳江吳山秀寓居

吳山秀戲作吾廬三絕以發觀者一笑品字窗穴牆

爲窗迎朝曦長短盡一無參差我家窗式有異製中

銳旁豐形太奇如餅如甕可彷彿咸以方扁議其非

主人以爲得之矣厥狀品字其庶幾然則奈何不名

晶晶類乎品長過之打頭矮屋艱欠伸窗稱其屋方

相宜惜少一闌彫已字并無六枳限羣雞主人日向
窗前坐品泉品硯百不疲品題人物則不敢腹有春
秋口不碑由窗而推以意凝象形成字成我資竹搖
个字響淅瀝香燒心字烟霏微槃陳魯字一頭蠹書
架丁字雙足支鴻送乙字目杳冥畫點介字樹離披
倘招三人成眾字主人窗前無立錐僅堪此間置一
枕羲皇上人是我師○一綫天人家有天如井方我
家有天如綫長其勢宜橫不宜縱累尺而長丑大強
主人登樓向西笑奈何令我日面牆得非君公難入
世不材宜以牆東藏可憐明月懸三五新秋那能照

我牀差喜風多卷茅去有時仰屋窺清光堂堂間奧
無深淺宛如列肆平分張客來款語不踰晷時方卓
午疑昏黃吁嗟萬古此圓蓋羲娥出入遙相望豈于
貧富殊小大而獨爲我慳青蒼天分一綫令吾見吾
樂吾天周四旁大哉居乎斯足矣高明鬼瞰非我祥
不然且當林屋住隔凡要與人分疆○雞腸街寓居
不作十年計窮巷何妨得暫憩沿河小入折雞腸石
多于土欹不砌紛列溷廁盈頽牆側行猶恐沾衣袂
有風必勁如鼓濤不雨常暝少開霽北門之掌虛無
人時通時塞無常例有時煩我收管鑰不惜屈身代

僕隸夜來頻驚埜澤呼千呼不勝毒詈繼吾窮于此
占雞棲便老此中爲不做自知無力蝸角爭安得全
家鶴背繫伏雌早鑒能鳴災棄肋肯食餘戀滯雞腸
轉似魚腸寬劍鋸旋折曩時銳守約不同掉臂游貞
凶儼凜壯趾厲一橋疑有虎溪戒三徑止許羊求詣
腸中之人深山深柴扉白日長雙閉

梅綰居

明寓賢孫淳所築別業今無攷

按蠅鬚館詩話據董說重閱梅

綰居存草詩首句云可憐清嘯靠湖齋謂遺址當問諸水濱然董詩或卽指太湖言之未可泥也

范錯潯溪紀事詩渡青飛棹客填門復社當年韻事
存梅綰居荒人不見一甌茶薦爲招魂

寒玉居 在南柵爲詩人閔南仲所居

重耒喜閔湘人移居潯上兼示近詠三年不撫湘靈
瑟細入江雲又幾層豈有窮途埋阮籍聽君鸞嘯過
孫登數椽借屋寒于水一棹移家澹似僧如此溪山
如此句餘生端合老吳興

挂瓢居 在長生寺中

張鑑潯溪棹歌挂瓢禪宇夕陽斜鴨脚花開叫白鴉

認取魚池涇上路松毛棚底鬪春茶

挂瓢居爲長生寺精舍前有荷

花池俗名魚池涇盛夏
多作茶寮以候游人

一天居 在薇林書屋北

乍浣居 在大宗伯第內董漢策幼時讀書處

愛蓮居 在大宗伯第內愛蓮池上

研北居 在南柵爲居士范穎通著書處

退庵 在北柵竹篠匯明高士姚某別墅今廢

按舊志在姚家匯譌

借庵 在高暉堂內

豐草庵 在南柵補船村董說屏跡著書處

明董說題豐草庵碧玉藤陰影小廬磁盆秋水鏡紅魚牀頭一握崩霜劍銷作清鐘伴讀書

又豐草庵雜興藤陰翠落護花籬屋角雲歸度影遲秦吉了誰聽鳥語磨兜堅又教兒癡占移楓式還名

射芽摘茶園正展旗禹篆學成人莫笑草堂待勒夢
鄉碑

又庵居雜事門掩溪南自種蔬十年不上看山輿漸
遮窗影離盆樹忽亂波紋散子魚架借異書籤代換
雨蒸舊畫軸頻舒日長睡起茶烟冷蝴蝶花開夢客
廬

紀官潘喜曾養疾庵中余勸持詩戒文章爲祟不足
患用心無已誠可憂此地閒冷散愁結觸眼好景慎
勿酬礙簷鳳尾翠光浮深深尺草風颭颭壁間屋漏
交青藤中懸黯黯古佛燈參差樹頂白鳥立屋背清

溪流正急焚硯壅筆永夜泣亦是書生常氣習庵中
一事欲語君執爨老人實娃聞洪鐘雷鼓聲大別十
年耳聾渠不分

董漢策西平樂癸巳春叩豐草庵晤西庵師大隱高
心全身妙解閉門似病如愁舉世庖廚我爲麋鹿長
林豐草優游何用投淵洗耳只此紅塵堆裏江山儘

自清幽相逢聽雨西樓便覺人間可憎從鷓鴣溪畔

判鴻溝

聽雨樓鷓鴣溪皆庵中境

○冰霜凜雪炎風盡浣更聽秋

聲我與爲秋

庵有秋聲庵

靜裏石頑成夢影落寒流比擬

懸厓枯坐水月同觀醒夢無端總不留

庵有夢石樓潭黃葉

臺前殷勤授易

黃葉臺在庵中央

此樂如何別矣梅花吹送

餘香還應許我橫舟

遶庵種梅數十本名梅花渡故云

劉桐過豐草庵弔董若雨先生絕點塵埃百尺樓行人誤認傍山邱夕陽斜映疎林外怪鳥低飛古渡頭吟到好詩初落葉參來小影宛停舟

先生有舟居聽雨圖從教

逕跡空門去長使高風此地留

張鑑過寶雲和尚豐草庵瓶盞無端付劫塵重來門巷及蕭辰白衣自合稱開士青史何從傳逸民禪室樹深仍度鳥釣潭秋淨不生鱗西風吹墜昭陽夢誰爲招魂問後身

張鎮過豐草庵有懷董西庵先生挂衲逃名去徒存
揚子居空梁飛舊壘破壁想遺書樹老陰無幾人稀
草不除幾回池上立落日正踟躕

沈謙薄溪雜憶詩鈎鉤潭邊水半渾丁丁斧惱補船
村可憐豐草庵何在水市南頭試叩門

紀方虎豐草庵懷古脫却青衫去歸來兩鬢華此身
甯有累斯世竟無家吟瘦寒梅影歌殘落日斜西風
天地冷清淚溼袈裟

紀慶曾過豐草庵遺址冰雪殘冬萬木枯陽春纔到
氣潛蘇那知薄暮荒江上獨聽林中叫鷓鴣

秋聲庵

在豐草庵旁

按南潛爲創之後有漏霜庵之名蓋卽此庵所改

紀晴嵐故廬

在西柵紀家壩紀寅所居

紀寅敝廬漫說溪山等若耶平田片段接村沙石橋

挂網新魚市秋岸飄帘舊酒家埽室不開惟竹影遮
門迷路有秋花擬同五柳柴桑宅豈有塵蹤到水涯

遠偏廬

在南柵石澥張肩所居傍多栽竹

范鍇潯溪紀事詩澥溪溪水雲居舊有張肩此讀

書日暮天寒美人去蕭蕭風竹遠偏廬

我耕廬

在南柵明黃周星題額後爲潘尙仁所居